

## SINOPSIS

Sahabat Rasūlullāh(s.ā.w) merupakan mutiara yang sangat berharga bagi umat Islam selepas kewafatan Rasūlullāh(s.ā.w). Mereka telah menyumbangkan usaha yang besar dalam menyebarkan ilmu pengetahuan khususnya dalam ilmu hadīth. Tidak hairanlah bila kita mengkaji sejarah kehidupan yang dilalui oleh mereka, kita akan dapati kehidupan mereka dipenuhi dengan jihad dan pengorbanan demi menegakkan kalimah Allah di muka bumi ini.

Di dalam menganalisa tajuk ini, penulis telah mengkaji riwayat hidup Abū Ayyūb al-Anṣārī, yang merupakan seorang sahabat Rasūlullāh (s.ā.w) yang telah banyak meriwayatkan hadith-hadith menerusi Rasūlullāh (s.ā.w) . Hadīth-hadīth yang diriwayatkan ini telah terkumpul di dalam kitab yang enam iaitu di dalam Sahih Mukhāri, Sahih Muslim, Sunan Abu Dawūd, Sunan Tirmidhi, Sunan Nasaī, Sunan Ibn Majāh dan Muwaṭṭa' Imam Mālik.

Dalam mengkaji tajuk ini, penulis telah membahagikan kepada empat bab dan diiringi dengan ceraian-ceraian tajuk kecil.

Dalam bab satu, penulis membincangkan tentang kepentingan hadīth dan sunnah di dalam perundangan Islam. Untuk menghuraikan tajuk ini, penulis telah membahagikan kepada pengertian hadīth dan sunnah serta pembahagiannya, pendapat-pendapat ulama mengenai

hadith dan sunnah, kedudukan hadith dan sunnah dalam perundangan Islam dan hubungannya dengan al-Qur'an al-Karim.

Dalam bab yang kedua pula penulis memaparkan riwayat hidup Abū Ayyūb al-Anṣārī dari mula beliau memeluk Islam hingga lah di saat-saat akhir penglibatan beliau di dalam peperangan.

Bab ketiga pula, penulis menyentuh cara-cara mentakhrijkan hadith-hadith melalui panduan kitab *دعوات المورث*. Hadith-hadith ini dicari di dalam kitab Sunan Sittah dan Muwaṭṭa' Imam Mālik, mengikut bab-bab yang tertentu, kitab berserta bilangan hadith.

Dalam bab yang keempat, merupakan bab yang terakhir dimuatkan dengan intisari yang dapat diambil dari hadith-hadith tersebut. Penulis juga membahagikan hadith-hadith ini mengikut bahagian-bahagian yang tertentu iaitu bahagian akidah, ibadah, mu'amalat dan sirah Nabawiah. Akhirnya penulis telah menutup perbincangan ini dengan saranan-saranan dan kesimpulan.

Penulis merasakan inilah saja kemampuan yang ada pada penulis dalam menganalisa tajuk ini. Segala usaha yang tidak seberapa ini, mudah-mudahan dapat dimanfaatkan untuk pengkaji-pengkaji seterusnya.

Alhamdulillah, penulis mengucapkan kenyukurannya kepada Allah (s.w.t) yang memberi ilham dan petunjuknya, sehingga latihan ilmiah ini dapat diiniatkan.

Penghargaan yang tidak terhingga penulis ucapkan kepada Dr. Abdul Hayei Abdul Sukor yang menjadi penyelia kepada penulis yang telah memberi bimbingan dan teguran, melapangkan masa bila-bila sahaja untuk meneliti kajian ini, semoga Allah memberi ganjaran di atas pengorbanan beliau.

Tidak dilupakan juga kepada ayah dan ibu yang telah banyak memberi didikan dan dorongan yang kuat dalam meneruskan pembelajaran ini. Begitu juga tanda penghargaan kepada suami penulis yang turut sama menkerbbankan tenaga dan usaha untuk menemani penulis mendapatkan bahan-bahan rujukan untuk penulisan ini. Semoga hidup kita sentiasa dirahmati oleh Allah. Tidak ketinggalan juga kepada kedua orang anak penulis, Naim dan Saadah, semoga kajian ini menjadi tatapan kalian dalam meneruskan perjuangan Islam.

Akhirnya, penulis berdoa dan berharap agar kajian ini akan dapat dimanfaatkan kepada pengkaji yang seterusnya. Sekian. Wa salan.